

S294

46-3425

陳脩園醫書五十種
二五



癩痢

症訣



北京中医药大学图书馆版权所有

痢症三字訣

蜀天彭唐容川先生著

痢爲病發秋天。

古名腸澼。又名滯下。今名曰痢。以其下痢而又不爽利也。與洞瀉相別。天淵。四季皆有此症。惟秋時此病爲更多。

金木沴。溼熱煎。

所以秋時此症更多者。蓋五行之序。由春入夏。爲木生火。熱氣主事之時也。由夏至長夏六月爲火生土。是爲溼土主事之時。熱來蒸溼。合氣爲暑。故六月節名小暑大暑。至立秋以後。則土來生金。溼熱當止。故其節名處暑。言暑氣自此止也。暑止則熱氣變爲涼氣。而涼風至矣。溼氣變爲清氣。而清肅下降矣。如此則秋金氣旺。木火自戢。中土不致受邪矣。若其人之肝木太旺。遇金來制之。而木不受制。遏鬱生火。則熱氣不退。火反尅金。金氣不得清肅。因之溼亦不化。與熱相蒸。蘊結血氣於三焦腸胃之間。釀爲腐穢膠粘之汁。則成痢矣。

肝迫注。故下逼。肺收攝。故滯塞。

人身肝主疎泄。疎者條達而上也。泄者順利而下也。木氣不疎則鬱。鬱者草木多而壅遏也。木氣太泄則暴注。暴注者泄力太過之故也。然使金不與木爭。則泄而不斂。



何至滯塞哉。唯當秋金收斂之令。肺金不應受邪。故金必與木爭。木愈泄。金愈收。是以逼迫艱澹而成其裏急後重也。

白氣腐紅血潰。

俗以白痢爲寒。非也。白痢只是氣分之熱。腐化成汁。有如烈日流金燦石也。今之治白痢者。每用姜桂吳萸而成死證。戒之戒之。蓋紅白二色。不分寒熱。只分氣血而已。陳平伯云。調氣則後重自愈。血和則便膿自除。可謂得法。

病在脾。治肝肺。

凡瀉泄之症。皆出於腸胃。而胃與大小腸。又皆統於脾經。故此痢症亦無不歸屬於脾者。然其致痢之由。實不責脾而責在肝肺。肺金不能顧母。肝木鬱而尅土。以致脾土受邪。但當治肝肺。則脾經自治。

初發熱。或惡寒。兼疎表。柴葛餐。

痢症初起而發熱惡寒者。乃內有鬱熱。外感風寒。寒能閉火。風能煽熱。互相蒸發。是生寒熱。宜兼疎其表。用葛根黃連黃芩湯。柴胡荊芥湯。或人參敗毒散加黃芩。亦效。三五日病歸裏。但治內。無外駛。

痢症在三五日後。雖有發熱惡寒等症。亦由邪歸腸胃。蒸發於外。其責專重在內。但當清裏。裏氣一清。則外之寒熱自除。不可發表。反傷營衛。以致津枯血竭也。



西醫云。腸胃炎。膜油腫。潰痛兼。

中國自宋元後。皆不知痢症何故腹痛。何故便膿。至有以便膿爲虛脫。以腹痛爲寒者。誤人不少。惟西醫法。將痢症病死之人。剖割視之。見其腸胃發赤。膜油發腫。甚則潰爛。乃知腹痛便膿之故矣。此說似奇實正。蓋油膜者脾經所屬也。肝火從肝木入膏油。蒸發紅腫。肺金不能利水。水火蘊結在油膜中。而油膜又全連腸胃。是以腸胃赤腫發痛。甚則潰爛。與寒中洞泄。迥然不同。

治白痢。主肺氣。白虎湯。銀菊貴。

輕病用銀菊散。重者宜白虎湯。專清肺金。加杏仁厚朴桔梗。以利肺氣。使不收瀉。如白芍黃芩甘草以平肝。使肝木不侮肺。脾土不受尅。則愈。如小便不利。再加桑皮滑石。外有寒熱者。可加葛根。

治紅痢。主肝血。白頭湯。守圭臬。

白頭翁無風獨搖。有風不動。一莖直上。能引肝氣上達。使不下迫。則後重自除。芩連黃柏大瀉肝火。火清血靜。則紅痢自止。此仲景大法也。余嘗用金花湯加炒荊芥地榆。歸尾檳榔杏仁白芍青蒿。亦是白頭翁湯之意。

閉迫甚。不得通。生大黃。暫一攻。

世傳黃連黃芩生大黃吳茱萸。爲治痢霹靂散。暫用多效。然痢症是蘊釀糾結之邪。

非剽劫所能除。甚有久服大黃而反致死者。津血被奪故也。惟遇閉迫太甚。求通不得者。於各藥之中。暫加大黃一攻。亦常得效。

喜開達。杏。桔。蘇。蒿。荷。菊。葛。麻。扶。

內閉者宜開。下迫者宜達。開之當從肺治。宜桔梗。杏仁。貝母。以制肺氣。使不收滯也。達之當伸肝鬱。宜白頭翁。柴胡。皆上莖直上。能升清陽。惟二藥鮮真者。余每用荷莖。黃菊。老蘇梗。葛根。天麻。代之。皆能伸木鬱而解下通也。喉痛。噎。是奇恆症。多死。藥難憑。

痢症喉痛氣噎喘逆者。名奇恆利。以其異於常痢也。是火逆攻肺。有立時敗絕之勢。仲景云。急下之。宜大承氣湯。然病此者多死少生。

若噤口。津液傷。不速治。腐胃腸。

諸病不食。皆是中寒。惟痢症噤口不食。是腸胃熱灼。津液不升。舌乾咽澀。食不得下。西醫言人之食。皆胃津液吸之也。此症胃津灼枯。是以噤不食。俞嘉言倉廩湯。循名失實。朱丹溪石蓮湯。依稀彷彿。皆不知胃津用事之故也。此時沃焦救焚。若遲不及。則腐腸爛胃而死。世之用香砂橘半者。不知誤殺多人。試看噤口必舌上無津液。但令津液蓋過舌心。則食即下。百驗不爽。勿爲舊說所誤也。救胃煎。開噤湯。母利水。免津傷。



痢症嘔吐。是火逆拂鬱。宜三黃酒止嘔。嘔止卽進食。此非眞噤口也。惟不嘔不食。舌上無津。是爲眞噤口。宜救胃煎。開噤湯。大生津液。以救腸胃。凡泄皆宜利水。惟痢症膠結之邪。只當滑以去者。不可滲利。反傷津液也。

食已進。痢未止。宜分消。亦利水。

痢症不可利水。自是一定之法。然旣服寒涼藥後。腸胃中津液已存。而利猶不止者。亦可兼利小便。使溼熱之邪分消而出。蓋不利水者。但清其腸胃也。而兼利水者。是兼清其膜油也。且止宜潤利。加滑石車前防己木通之類。而不可燥利也。醫者知之。

痢旣愈。當補脾。喜歸地。忌薑芫。

痢後當補脾陰。宜歸地養榮湯。而不當補胃陽。故薑桂砂陳朮芫苓附。皆非所宜。惟用白芍當歸麥冬人參玉竹山藥石斛黃精山萸肉一派滋養脾陰之藥。則大能補益。令人肥健。

若休息。瘵熱藏。逾時發。攻下良。

或逾時逾年而又復發。名休息痢。謂其已休止而又復生息也。是瘵熱留伏於膜油隱慝之地。仲景云。宜承氣湯下之。時法用黃連末調羊脂服。余每用清甯丸日服八分。或當歸蘆薈丸多服。皆效。痢太久。亦變虛。佐熱藥。寒卽祛。

痢本無寒症。惟泄痢太久。亦有轉為虛寒者。故仲景有桃花湯、烏梅丸以從治之。不後重。乃用之。辨症者。當慎持。

但虛滑之症。必不後重。與熱閉者有別。醫者當辨之。不可寒熱誤用也。

附方

葛根黃連黃芩湯。治外感發寒熱并下痢者。

葛根 八錢 黃連 三錢 黃芩 三錢 杏仁 研四錢 甘草 一錢

此仲景治協熱利下之方也。凡痢症兼外感者。當本此意治之。用水二盃煎取一盃。頓服之。如有宿食者。可加厚朴一錢。枳殼一錢。

柴胡荆芥湯。痢症有寒熱表裏兼治者。

竹柴胡 已八錢要真者不辛散只清香升發而荆芥生用 竹茹 三錢 銀花 二錢 連翹 二錢 白芍 三分 杏仁 三分 桔梗 三分 青木香 一錢 黃芩 二錢 甘草 一錢

右藥用水三盃。先煎各味至四五沸。再入荆芥煎三沸。去渣溫服。微汗出。則外熱自退。痢症亦減。

人參敗毒散。治外感有寒兼發痢者。

人參 一錢 羌活 一錢 獨活 一錢 川芎 八分 川柴胡 三錢如無真者代 前胡 二錢 桔梗 二錢 茯苓 二錢 枳殼 一錢 生甘草 一分



此方今人最尙。然皆散寒利水之藥。非痢症貼切之方也。必加黃芩。乃能清內熱。再加白芍。乃能平肝疎土。凡痢初起而外有寒熱者。亦可用此發散之。用水二盃煎取一盃服之。

銀菊散 治白痢之輕藥也。

銀花 三錢 白菊 三錢 連翹 二錢 生白芍 三錢 杏仁 三錢 桔梗 三錢 梔子 三錢 木香 三錢 一錢 牛蒡子 三錢 甘草 一錢 用水三茶盃煎取盃半服。如有宿食。加生大黃五錢。

白虎湯

生石膏 三錢 煨石膏 三錢 甘草 一錢 粳米 三錢 再加黃芩 三錢 白芍 三錢 杏仁 三錢

桔梗 二錢 厚朴 一錢 方合痢症。有外寒者。再加葛根荊芥。小便不利者。再加桑皮滑

石。此治白痢之良方也。

白頭翁湯 治紅痢。

白頭翁 五錢 細葉白毛一莖直上味微苦而氣清香開小黃白色花黃柏 三錢 黃連 三錢 秦皮 三錢 用水二盃煎取一盃服最妙。白頭翁能平木疎肝。息風清火。使下

迫之氣條達而上也。如無此味。亦當仿此用藥。乃能解除裏急。

金花湯 今名黃連 治紅痢。

黃連 三錢 黃芩 三錢 黃柏 三錢 梔子 三錢 再加杏仁 三錢 檳榔 二錢 當歸 三錢 地榆



三錢 赤芍 二錢 荊芥 一錢 生地 三錢 青蒿 三錢 甘草 一錢 水煎服。

霹靂散 治痢症脹閉。有宿食發嘔等症。

生大黃 一錢 黃連 二錢 黃芩 三錢 吳茱萸 一錢 用水二盃煎取一盃。先服半盃。得

快利。卽止勿服。如不快利。再服一次。此藥只可服一二次。不可多服。

大承氣湯 治奇恆痢。

生大黃 二錢 厚朴 二錢 枳殼 一錢 芒硝 三錢

汁服咽。痛噎略愈卽止。再加減金花湯。

三黃酒 治痢症發嘔吐者。

黃連 一錢 黃芩 三錢 生大黃 二錢 用好燒酒一盃煎成一杯。徐徐咽下。如不飲酒

者。用水一盃加酒一盃煎服。徐咽。嘔吐止。卽勿服。

救胃煎 治噤口不食。

生地 三錢 白芍 三錢 黃連 三錢 黃芩 三錢 玉竹 三錢 花粉 三錢 杏仁 三錢 桔梗 二錢

石膏 四錢 麥冬 三錢 枳殼 八錢 厚朴 一錢 甘草 一錢

右水三茶盃煎取盃半服。必舌上有津液。則進食矣。

開噤湯 治噤口不食。

人參 二錢 麥冬 三錢 天冬 三錢 石膏煨 三錢 梔子 二錢 黃連 二錢 黃芩 一錢 黃柏 一錢



生地 三錢 白芍 三錢 當歸 三錢 射干 二錢 杏仁 研 三錢 檳榔 一錢 枳殼 一錢 甘草 一錢

花粉 二錢 此為治噤口痢之主方。生津進食。除腸胃中之炎症。力量周到。再加白

頭翁。則詳盡無遺矣。

歸地養榮湯

當歸 三錢 生地 三錢 山藥 三錢 麥冬 三錢 白芍 三錢 蓮子青心 三錢 桑葉 三錢 荷葉 三錢

三錢 石斛 三錢 玉竹 三錢 甘草 一錢 水二盞煎取一盞。痢愈後。多服大補益。

調胃承氣湯

生大黃 一錢 芒硝 二錢 甘草 一錢 水煎二味已成。再入芒硝。二沸取服。得快利即

止

桃花湯 治虛痢不後重者。

赤石脂 一錢 糯米 五錢 乾薑 炒黑 一錢 久煎成湯。服之能溫補止澀。為虛滑痢之主方。

不後重下利者乃用之也。觀仲景原文自知。

清甯丸 治休息痢。

生大黃 四兩 用薄荷拌酒蒸一次。去薄荷。乾後用。去糟。米酒半斤。好燒酒四兩。泡

二七日。在飯上蒸一次。再攪一次。再曬露。再蒸乾。再加酒。至大黃爛如坭。為丸。菴豆

大。每服一錢或五分。大便微下則愈。

烏梅丸 治虛滑久痢不後重者。

烏梅

十枚 去核

黃連

三錢

黃柏

一錢

人參

一錢

桂枝

一錢

細辛

一錢

附子

一錢

當歸

一錢

花椒

一錢

乾薑

二錢

右爲末。用烏梅飯上蒸熟。搗和加蜜爲丸。梧子大。每服三十丸。米飲下。

痢症三字訣終



保嬰要旨

種痘





南京中医药大学图书馆版权所有

增廣保嬰要旨

敏蘭居士原輯

拜松居士增訂

種痘法

總論

夫痘由胎毒而生也。終身祇出一次。可知本乎胎毒。其痘症之有順與逆。則總在乎外感之有輕與重。而全不在胎毒之故。惟其痘之發。必因外感。以病引病。所以自出之痘。順吉少而凶險多也。或染時氣。或感風寒。或由飲食。或因驚嚇。或傳染他兒痘氣。曾有雙生兄弟。一人痘密而殤。一人痘稀而順。豈同胞而彼此二毒耶。豈一身而又前後毒異耶。可見痘之順逆。非因胎毒也。且極北之人。從不出痘。此更可見症之發見。由外感也。蓋陰陽會合。非火不能成胎。有火卽有毒。毒藏小兒腎府。人人皆同。初無輕重之異。但深藏必待外感而發。外感重則發亦重。外感輕則發亦輕。若外無所感。則藏於中而永遠不發。彼夫極北不出痘者。地氣凝結。所謂外無所感而永藏於中也。是以一至中土。邪陽蒸鬱而卽發也。彼夫雙生兄弟而痘分順逆者。所謂毒有輕重。則發亦隨之輕重。而總非所藏之毒輕重也。豈可執其偏端。而謂順逆盡由胎毒哉。噫。世之論者。競以胎爲言。莫解外感爲患。但知其自出而爲後時之補救。不肯乘其未出而爲先事之綢繆。遂使赤子無辜。多罹天網矣。

古有種痘一法。相傳宋真宗時峨嵋山神人所創。實具百發百中之功。洵爲盡善盡美之術。推原其理。蓋出痘感於得病之後。而種痘必施於無病之先。出痘或遭天地寒暑之不齊。而種痘必預擇天地融和之美候。內無他病之夾雜。外復有善苗爲引導。此其化凶險爲順吉。事出萬全。豈不顯然明白哉。奈世人不察。因循自誤者有之。懲疇廢食者有之。棄置神方。坐觀天亡。良可痛憫。或不知其善而不敢種。或明知其術之妙而不暇種。一旦自出危痘。追悔無及。是因循自誤也。依法種痘。萬無險症。其有千百之中不免偶損一二者。總因本家調理不善。或種師審兒不詳所致。世人不思自咎。反將以種痘爲戒。而甘聽其自出隕命。此與偶見一人噎。而欲禁衆人食。何異哉。須知既種尙不免者。其自出更必死矣。此理甚明。人何不悟。或有認定痘之順逆。必因胎毒。而不肯種者。當告之曰。假使毒重之人。而聽其自出。則內毒已深。外病又甚。自必無生理。若能預先如法而種。則雖有毒而外無他病。豈不尙有可生之道哉。今謹輯種痘萬全要法列左。有兒之家。其深信速行保嬰赤也。

痘苗

苗即他兒之痘痂也。種痘者並無別藥。全賴乎此。以爲胎毒之引導。關係最重。

製苗之法。擇他兒極順之痘。其出稀少。其粒尖圓。其色紅潤。其漿充滿。其所落之痂。蒼蠟光澤。肥大厚實者。取貯磁瓶內。蓋密。置清潔淨涼之處。觸穢遇熱即壞。春秋之痂。一月尙可種。冬痂四五十日尙可種。日久則氣薄無力。自出者爲時苗。不可用。

(增)案臨證指南鄭頤說。種苗無天行時氣。故佳。或斷而權用時苗。往往稠密重症。蓋無異天行之氣也。卽選上好時苗。亦不必傳種。四五兒俱順。性始和平。與種苗無等。

下苗之法。視可種之苗。用苗數粒。在有底小管筒內。舂細。用棉花作棗核樣。拭淨唾。蘸滿痘屑。塞兒鼻孔內。男塞左。女塞右。苗既塞鼻。必使人勤勤看守。勿令小兒用手拈弄。或被噴出。急將苗仍塞鼻中。不可稍緩。令兒先生涕。塞勿太進太淺。
(增)以上好種痂作苗。惟取天時清正之氣。順而又順。凡一切麝香等藥。走洩真氣。斷不可用。

下苗後以六箇時辰爲度。然後取出。如溫煖。早取數刻。如寒冷。多留數刻。痘苗取出之後。其苗氣漸次而入傳五臟。至七日始發熱。發熱三日而見點。見點三日而出齊。出齊三日而灌漿。漿足三日而回水結痂。大告功成。其他種法。有以棉拭痘漿塞鼻種之者。名痘漿種。此捏破痘粒取漿。令彼兒氣洩害事。最是殘忍。又有服痘兒貼身染漿之衣而種之者。名痘衣種。此乃衣傳。多因氣薄不透。往往不驗。又有以痘痂屑乾吹入鼻種之者。名旱苗種。此過於迅烈。令兒難當。并風入腦門致患。且吹鼻必致嚏。苗隨涕出。亦常不驗。三法俱斷不可從。種師祕法。盡發露於此。種痘之家。宜備知之。既種之後。將發熱時。小兒頸項內。男左女右。必發小塊。狀如痰核。乃毒氣結